



PRES RILIS

JOINT REJISTRESEN BLONG CRIM MO ELECTORAL OFISA I STAT LONG TORBA PROVINCE WETEM PRINT BLONG NATIONAL ID LONG SAET WETEM HELP BLONG PORTABLE STARLINK

Torba Province, Vanuatu – 8th Mei 2025 | Dipatment blong Civil Registration mo Identity Manejmen (CRIM), wetem Vanuatu Electoral Office, i statem wan join rejistresen wok long Torba Province blong mekem sua se evri man mo woman we i eligible i rejista blong civil mo electoral purposes.

Program ia i stat long 29 April mo CRIM i yusum gud outreach program blong Provincial Health Team we i stap visitim ol provins anda long wan spesel arrangement wetem Helper-1. Taem CRIM mo Electoral Ofisa oli wok tugeta wetem health team long ol visit blong olgeta, i mekem se oli save yusum gud ol risos, kasem ol haed ples, mo mekem wok blong rejistresen i go moa kwik.

Rejistresen bae i kavremap sikis aelan long Torba Province—Vanua Lava, Gaua, Mota Lava, Mota, Tegua mo Hiu. Fastaem long histri, ol tim blong rejistresen oli kasem portable Starlink satellite internet device, we i givim fastfala koneksen long real taem. Teknoliji ia i mekem se ol ofisa oli save mekem mo printem National ID long ples stret, nating se ples ia i stap long aotsaed.

Director blong CRIM, Mr. Jeffrey Trief, i talem se: “Taem mifala i wok tugeta wetem Provincial Health Team mo yusum arrangement blong Helper-1, mifala i save tekem ol government service i go stret long ol man mo woman long komuniti. Starlink device ia i mekem se nating se vilij i longwe tumas, ol pipol i save rejista mo kasem National ID long sem dei.”

Electoral Office i talem tu se wok tugeta ia i gat plante gudfala samting: “Wan stret mo apdet voter list i impoten tumas blong mekem wan eleksen i fri mo jastis,” Mr. Edward Kaltamat, Jeman blong Electoral Commission, i talem. “Taem mifala i yusum risos wetem CRIM mo koneksen we i go long ol longwe ples, mifala i mekem se sistem blong eleksen i klia moa, i isi blong kasem, mo i wok kwik.”

Mifala i wantem talem long evri man mo woman blong visitim registration centre we i klosap long olgeta long dei we oli skedulem, mo tekem ol dokumen we oli nidim olsem certificate blong bon, ol ID blong bifo, o sam narafala sapot pepa blong mekem rejistresen blong olgeta i go tru.



Mifala i askem long ol lida blong komuniti mo ol area administrator blong halpem komuniti blong olgeta mo mekem sua se i no gat man we i luset janis blong tekem National ID mo vota rejistresen.

Wok blong join rejistresen bae i gohed kasem 9 Mei 2025, afta long dat, ol tim bae oli go long narafala provins olsem part blong rollout long olgeta ples long Vanuatu.

Sipos yu wantem save moa long skedul blong rejistresen long Torba Province, plis kontaktem CRIM Ofis long 7613282 o Electoral Ofis long 7672364.



Birth Registration Long Toga Aelan, Torba Provins



Mini Star Link setup long Hiu Aelan, Torres, Torba Provins



LOH Aelan, Torres - Torba Provins. 1 long ol 26 ID Kad weh oli printim.

